

RREGULLORE E PROGRAMIT TË STUDIMI
MASTER SHKENCOR NË ARKITEKTURË - PROFILI URBANIST
DEPARTAMENTI I URBANISTIKËS, FAU-UPT





PËRMBAJTJE E RREGULLORES

Neni 1	4
BAZA LIGJORE.....	4
Neni 2	4
OBJEKTIVI, QËLLIMI OHE FUSHA E VEPRIMIT TË RREGULLORES	4
Neni 3	4
TË DHËNA TË PËRGJITHSHME TË PROGRAMIT TË STUDIMIT	4
1. Emërtimi dhe lloji i programit	4
2. Departamenti / Fakulteti përgjegjës.....	4
3. Departamenti dhe Fakulteti bashkëpunues.....	5
4. Koordinator i programit	5
5. Kohëzgjatja e studimeve	5
6. Format e studimit.....	5
Neni 4	5
OBJEKTIVAT FORMUESE TË PROGRAMIT.....	5
Neni 5	6
NJOHURITË DHE KOMPETENCAT NË DALJE	6
Neni 6	7
PLANI MËSIMOR.....	7
Neni 7	7
PROGRAMET MËSIMORE TË LËNDËVE.....	7
Neni 8	7
LISTA E DISIPLINAVE MËSIMORE SI DHE VEPRIMTARITË FORMUESES TË NDARA NË KREDITE.....	7
Neni 9	10
KRITERE DHE PROCEDURA SPECIFIKE PËR PRANIMIN E STUDENTËVE	10
Neni 10	11
ORGANIZIMI I STUDIMEVE.....	11
1. Krediti.....	11
2. Viti akademik.....	11
3. Gjuha e mësimdhënies.....	11
4. Grupi mësimor	12
Neni 11	12
FORMAT E MËSIMDHËNIES.....	12
Neni 12	13
FORMAT E PROVIMEVE DHE VERIFIKIMI I DIJEVE.....	13
Neni 13	13
VLERËSIMI OSE SHLYERJA E STUDIOS SË PROJEKTIMIT / ATELIE	13

Neni 14.....	14
DETYRIME SPECIFIKE QË LIDHEN ME FREKUENTIMIN	14
Neni 15.....	15
FREKUENTIMI NË LËNDËT STUDIO.....	15
Neni 16.....	15
KUSHTE, MODALITETE SPECIFIKE PËR TRANSFERIMIN E STUDENTËVE.....	15
Neni 17.....	16
NJOHJA E KREDITEVE PËR PROCESE MËSIMORE JASHTË PROGRAMIT TË STUDIMIT	16
Neni 18.....	16
ORGANIZIMI I PRAKTIKAVE PROFESIONALE.....	16
Neni 19.....	17
DIPLOMIMI.....	17
1. Procedurat.....	17
2. Periudha e zhvillimit.....	17
3. Parakushte të marrjes së temës së Diplomë.....	18
4. Aspekte didaktike.....	18
5. Teza e diplomës.....	18
6. Udhëheqja e temës së diplomës.....	19
7. Studio e Diplomës	19
8. Kontrollat e ndërmjetme në Studion e Diplomave dhe përmbajtja e tyre.....	19
9. Mbrojtja dhe vlerësimi i diplomës	21
Neni 20.....	22
DISPOZITA TE FUNDIT	22
ANEKS I.....	23
PLANI MËSIMOR.....	23
ANEKS II.....	24
FUSHAT KËRKIMORE TË STUDIOS / ATELIE	24
ANEKS III.....	25
FORMULARË APLIKIMI PËR PROCESIN E DIPLOMIMIT, D1, D2	25

Neni 1

BAZA LIGJORE

Baza ligjore për hartimin e Rregullores së rogramit të studimit Master Shkencor në Arkitekturë - Profili Urbanist përbehet nga: ligji nr. 80/2015 “Për arsimin e lartë dhe kërkimin shkencor në Republikën e Shqipërisë” si dhe aktet nën-ligjore që rregullojnë veprimtaritë mësimore e kërkimore në kuadër të një programi studimi; Statuti i Universitetit Politeknik të Tiranës si dhe Rregullorja e Zhvillimit Kurrikular të Universitetit Politeknik të Tiranës.

Neni 2

OBJEKTIVI, QËLLIMI OHE FUSHA E VEPRIMIT TË RREGULLORES

1. Objektivi i kësaj rregulloreje studimit është përcaktimi i kriterëve dhe procedurave për zhvillimin dhe menaxhimin e procesit mësimor - kërkimor që kryhet në kuadër të programit të studimit Master Shkencor në Arkitekturë - Profili Urbanist.

2. Kjo rregullore ka për qëllim të përcaktojë procedurat dhe përmbajtjen e programit të studimit duke i mundësuar studentit të kuptojë qartë procesin e studimeve të tij. Me qëllim që të arrihet asimilimi sistematik i njohurive shkencore dhe zhvillimi i aftësive që do ta bëjnë studentin në këtë program studimi, të aftë për t’iu përgjigjur nevojave bashkëkohore të tregut lidhur me fushën profesionale të arkitekturës dhe urbanistikës dhe të aftë të vleresojnë ndikimin në shoqëri të veprimtarisë së tyre.

3. Kjo rregullore zbatohet nga i gjithë personeli akademik, ndihmës akademik dhe administrativ në Departamentin e Urbanistikës si dhe studentët e profilit urbanist dhe ndihmon në menaxhimin e procesit mësimor. Kjo rregullore nuk zbatohet për studimet e doktoraturës.

Neni 3

TË DHËNA TË PËRGJITHSHME TË PROGRAMIT TË STUDIMIT

1. Emërtimi dhe lloji i programit

Ky program studimi emërtohet “Master Shkencor në Arkitekturë - Profili Urbanist” dhe është program i integruar i ciklit të dytë, i nivelit të 7-të i Kornizës Shqiptare të Kualifikimeve

2. Departamenti / Fakulteti përgjegjës

Njësia bazë përgjegjëse që ofron programin e integruar të studimeve të ciklit të dytë “Master Shkencor në Arkitekturë - Profili Urbanist” është Departamenti i Urbanistikës, në Fakultetin e Arkitekturës dhe Urbanistikës.

3. Departamenti dhe Fakulteti bashkëpunues

Në këtë program studimi nga Fakulteti i Arkitekturës dhe Urbanistikës kontribuojnë Departamenti i Restaurimit dhe Teknologjisë së Arkitekturës dhe ai i Urbanistikës, nga Fakulteti i Inxhinierisë Matematike e Inxhinierisë Fizike kontribuojnë Departamenti i Inxhinierisë Matematike dhe Qendra e Gjuhëve të Huaja, nga Fakulteti i Inxhinierisë së Ndërtimit, Departamenti i Konstruksioneve të Ndërtimit dhe Infrastrukturës së Transportit, Departamenti i Mekanikës së Strukturave, Departamenti i Gjeodezisë si dhe ai i Hidroteknikës dhe Hidraulikës, nga Fakulteti i Inxhinierisë Mekanike Departamenti i Energjisë dhe ai i Menaxhim Prodhimit. Sikurse dhe me Institucione të huaja të arsimit të lartë dhe Subjekte të tjera publike apo private.

4. Koordinator i programit

Procedurat e përzgjedhjes, mandati dhe kompetencat e koordinatorit të programit të studimit shprehen në rregulloren e Departamentit të Urbanistikës.

5. Kohëzgjatja e studimeve

Programi i studimit Master Shkencor në Arkitekturë - Profili Urbanist organizohet në 300 kredite, me kohëzgjatje normale në pesë vite akademike.

Studenti mund të përfundojë programin përkatës të studimeve edhe jashtë kohës normale të studimeve. Kohëzgjatja maksimale e studimeve nuk mund të jetë më shumë se dhjetë vite, pa marrë në konsideratë periudhën e kohës kur studenti i ka pezulluar studimet.

6. Format e studimit

Programi i integruar i studimeve të ciklit të dytë “Master Shkencor në Arkitekturë - Profili Urbanist” është i organizuar në module të vlerësuara në kredite (ECTS). Sasia normale e krediteve të grumbulluara gjatë një viti nga një student me kohë të plotë është 60 kredite.

Programi i integruar i studimeve të ciklit të dytë “Master Shkencor në Arkitekturë - Profili Urbanist” përmbyllet pas përmbushjes së detyrimeve të parashikuara në planin mësimor, fitimit të 300 krediteve (ECTS), me punim diplome dhe në përfundim të tij lëshohet diplomë “Master i shkencave” në fushën e Arkitekturës dhe Urbanistikës.

Neni 4

OBJEKTIVAT FORMUESE TË PROGRAMIT

Programi i integruar i studimeve të ciklit të dytë “Master Shkencor në Arkitekturë - Profili Urbanist” synon formimin e profileve bashkëkohore të profesionistëve dhe studiuesve të rinj në fushën e Arkitekturës dhe Mjedisit të Ndërtuar, të aftë të përballen me sfidat që gjeneron konteksti Shqiptar, por edhe ato të një natyre me globale si zhvillimi i qëndrueshëm apo sfidat e globalizimit. Për arritjen e këtij objekti, gjatë viteve të studimit, studenti pajiset me njohuri shkencore e aplikative që lidhen me disiplinën e projektimit arkitektonik dhe urban.

Studimet e integruara të ciklit të dytë, Master i Shkencave në Arkitekturë, profili Urbanist, përfshijnë një sërë instrumentash teorike në programin e studimit për të mundësuar të studentët marrjen e bazave të nevojshme shkencore, aftësi metodike kërkimore dhe kualifikimin profesional në fushën e arkitekturës dhe urbanistikës.

Programi i studimit, në profilin urbanist, ka si objektiv kryesor formimin e profesionistëve, të aftë të integrohen në tregun e punës duke shfaqur njohuri të plota në ballafaqimin me projektet arkitekturore, ndërhyrjet urbane dhe zhvillimet territoriale.

Programi mësimor është organizuar në mënyrë të tillë të gërshetojë sa më mirë njohuri specifike për një formim sa më të plotë për një profesion ndërdisiplinor, siç është figura e arkitektit / urbanistit. Në përfundim të këtij programi studimi, profesionisti i sapodiplomuar është në gjendje të analizojë probleme dhe të japë zgjidhje në terma hapësinore urbane dhe arkitektonike, përmes instrumentesh të shumtë.

Neni 5

NJOHURITË DHE KOMPETENCAT NË DALJE

1. Në përfundim të ciklit pesë-vjeçar të studimeve në këtë program studimi studenti:

- a. Fiton njohuri të thella në lëndët e formimit të përgjithshëm të arkitektit/urbanist, dhe të jenë në gjendje të përdorin këto njohuri për të interpretuar problemet në projektimin arkitektonik dhe urban.
- b. Fiton njohuri të plota në bazat e vizatimit dhe projektimin arkitektonik, në kompozicion dhe analizë forme, në projektim urbanistik dhe urbanistike teknike, në materialet e ndërtimit dhe teknologjisë së tyre, njohuri lidhur me historinë dhe teorinë e arkitekturës dhe urbanistikës.
- c. Merr njohuritë e nevojshme për të kryer pune kërkimore të pavarur, qoftë në funksion të problemeve të praktikës profesionale, qoftë në funksion të niveleve më të thelluara të studimeve.
- d. Përvetëson rregullat e projektimit urban, ambienta, adaptimit arkitektonik, peizazhit, ekonomisë apo organizimit të punimeve, strategji mbi rivitalizimin urban, infrastrukturë dhe transport, planifikim territori, menaxhim urban, politika strehimi, etj.
- e. Do të jetë në gjendje të realizojë Plane të Përgjithshme Vendore, Plane të Detajuara vendore sikurse edhe në koordinim me specialiste të tjerë si në fushat e arkitekturës, inxhinierisë së ndërtimit, gjeodezisë, mjedisit etj.

2. Formimi në Master Shkencor, për profilin urbanist, përmbyllet me një veprimtari të rëndësishme shkencore, me një punim diplome, e cila vë në provë njohuritë e grumbulluara dhe aftësitë sintetizuese, kreative dhe të komunikimit të kandidatit, në shërbim të ndërhyrjeve arkitekturore dhe urbane.

Mbajtësi i kësaj diplome, Master i Shkencave, mund të punësohet si projektues arkitekt dhe urbanist (profesion i rregulluar) në ndërmarrje / organizata publike apo private. Kjo diplomë mundëson marrjen e Liçencës profesionale, pa detyrim të kurseve të mëtejshme, duke ndjekur specifikimet në legjislationin përkatës, bazuar në vite dhe eksperiencë pune.

Diploma e ciklit të dytë "Master i Shkencave" i jep mundësinë mbajtësit të saj për vazhdimin e studimeve në ciklin e tretë (studime doktorate). Për të vazhduar studimet e doktoratës në arkitekturë dhe urbanistikë apo në fusha të afërta me to, kandidati duhet të përmbushë të gjitha kërkesat e përcaktuara nga Këshilli i Profesorëve, përgjegjës për programin e studimeve të doktoratës.

Neni 6

PLANI MËSIMOR

Plani mësimor i programit të integruar të studimeve të ciklit të dytë “Master Shkencor në Arkitekturë - Profili Urbanist” pasqyron periudhën kohore të organizimit të secilës nga disiplinat dhe veprimtaritë formuese të programit, ngarkesën e tyre në ECTS (kredite), orë në auditor dhe orë pune individuale, të ndara sipas viteve akademike, sipas formatit të bashkëlidhur në aneks të këtij dokumenti.

Neni 7

PROGRAMET MËSIMORE TË LËNDËVE

1. Programet mësimore të lëndëve hartohen për çdo disiplinë të planit mësimor të programit të integruar të studimeve të ciklit të dytë “Master Shkencor në Arkitekturë - Profili Urbanist”. Në përputhje me kornizën ligjore në fuqi, në silabusin e lëndës jepen në formë të përmbledhur:

a. të dhënat e përgjithshme për lëndën, viti akademik, njësia bazë përgjegjëse për zhvillimin e lëndës, struktura e lëndës sipas ndarjeve të bëra në planin mësimor, emri i titullarit të lëndës dhe i stafit mësimdhënës;

b. njohuritë paraprake që duhet të ketë fituar paraprakisht studenti, objektivat formuese të lëndës, njohuritë dhe aftësitë që përfton studenti nga përvetësimi i lëndës, konceptet dhe termat bazë mbi të cilat ndërtohet lënda;

c. përmbajtja e lëndës, e ndarë në leksione dhe ushtrime/seminare, e detajuar në tematika që zhvillohen sipas javëve mësimore;

d. përmbajtja e punëve laboratorike, praktikave lëndore, temat e detyrave/projekteve të kursit;

e. forma e kontrollit që do të përdoret, parakushtet e hyrjes në provim, mënyra e vlerësimit përfundimtar, literatura bazë dhe ajo ndihmëse.

2. Programet mësimore të lëndëve të programit të integruar të studimeve të ciklit të dytë “Master Shkencor në Arkitekturë - Profili Urbanist” janë objekt i rishikimit periodik në përputhje me procedurat e përshkruara në Rregulloren e Zhvillimit Kurrikular të UPT-së dhe në Rregulloren e Departamentit të Urbanistikës.

Neni 8

LISTA E DISIPLINAVE MËSIMORE SI DHE VEPRIMTARITË FORMUESE TË NDARA NË KREDITE

1. Në programin e integruar të studimeve të ciklit të dytë “Master Shkencor në Arkitekturë - Profili Urbanist”, veprimtaritë formuese grupohen në kategoritë e mëposhtme:

A. **Lëndë bazë** të programit të studimit, që përcaktojnë formimin e përgjithshëm, përgatitjen metodologjike dhe kulturën e përgjithshme;

B. **Lëndë karakterizuese**, që lidhen me veçoritë e programit të studimit dhe japin një formim specifik, sipas karakteristikave të tij;

C. **Lëndë ndërdisiplinore** dhe/ose integruese në një ose më shumë grupe disiplinash, të ngjashme dhe/ose integruese me disiplinat karakterizuese, profile të programit dhe grup-lëndë me zgjedhje;

D. **Lëndë plotësuese**, të fokusuara në përfitim të aftësive në gjuhë të huaj, aftësive informatike dhe telematike, aftësive komunikuese e prezantuese, aftësive që lehtësojnë hyrjen në tregun e punës dhe në praktikën profesionale të zhvilluara pranë subjekteve publike e private, sipas marrëveshjeve të përbashkëta, të nënshkruara për këtë qëllim;

E. **Detyrime përmblylëse**, që lidhen me përgatitjen e tezës së diplomës ose me provimin përfundimtar.

Tabela e mëposhtme jep veprimtaritë formuese sipas kategorive të mësipërme dhe përqindjen e tyre në raport me totalin e krediteve të planit mësimor në përputhje me kornizën ligjore në fuqi.

Kategoria	Lënda	ECTS						
		Kreditet gjithsej	Leksione	Seminar / Studio	Detyra /Projekt kursi	Laboratore	Praktike	Diploma
A	Matematikë 1	3	1.5	1.5				
A	Gjeometri deskriptive 1	5	3.0	2.0				
A	Vizatim i lirë dhe histori arti	6	1.0	4.0	1.0			
A	Grafikë arkitektonike	4	1.0	3.0				
A	Matematikë 2	3	1.5	1.5				
A	Histori arkitekture 1	6	4.0	0.5	0.5		1.0	
A	Gjeometri deskriptive 2	4	2.0	2.0				
A	Elemente ndërtesash	5	2.5	2.0	0.5			
A	Grafikë arkitektonike	4	1.0	3.0				
A	Komunikim grafik - CAAD1	3	1.0	2.0				
A	Histori arkitekture 2	5	3.0	1.0			1.0	
A	Komunikim grafik - CAAD 2	3	1.0	2.0				
A	Histori arkitekture 3	3	2.0		1.0			
A	Fizikë teknike	6	4.0	2.0				
TOTAL kredite, kategoria A.		60						
B	Analizë qyteti dhe territori / Evolucion i ambientit të ndërtuar	4	2.0	1.0	1.0			
B	Bazat e projektimit arkitektonik	8	2.0	5.0			1.0	
B	Kompozicion, analizë forme e hapësire	4	1.5	2.0	0.5			
B	Studio arkitekture 1	8	1.0	7.0				
B	Teknologji arkitekture 1	5	1.5	3.0	0.5			
B	Kompozicion, analizë forme e hapësire	4	1.5	2.0	0.5			

B	Studio arkitekture 2	8	1.0	7.0				
B	Teknologji arkitekture 2	5	1.0	3.0			1.0	
B	Bazat e projektimit urban dhe elemente të peizazhit	7	2.0	4.0	1.0			
B	Teori arkitekture e urbanistike	6	3.5	2.0	0.5			
B	Studio arkitekture 3	8	1.0	7.0				
B	Teknologji arkitekture 3	6	2.0	4.0				
B	Rilevim arkitektonik dhe topografi	4	2.0	1.0	1.0			
B	Studio arkitekture 4	8	1.0	7.0				
B	Urbanistikë 1	8	2.0	4.0	1.0		1.0	
B	Projektimi i Mjedisit Urban (vjetore sem1)	4	1.0	3.0				
B	Histori urbanistike	6	2.0	3.0	1.0			
B	Planifikim territorial	6	2.0	4.0				
B	Projektim urbanistik 2 (vjetore sem1)	8	3.0	5.0				
B	Gjeografi urbane	3	1.5	1.5				
B	Projektimi i Mjedisit Urban (vjetore sem2)	4	1.0	3.0				
B	Transport infrastrukture	6	2.0	3.0	1.0			
B	Projektim urbanistik 2 (vjetore sem2)	6	1.0	5.0				
B	Menaxhim urban	4	2.0	2.0				
B	Elemente peizazhi	5	1.0	4.0				
B	Rigjenerim Urban	7	2.0	5.0				
B	Metoda kërkimore të aplikuara në Urbanistikë	4	1.0	3.0				
B	Politikat e strehimit - Housing	5	2.0	3.0				
TOTAL kredite, kategoria B.		161						
C	Materiale ndërtimi	3	1.5	1.0		0.5		
C	Shkencë konstruksioni 1	5	2.0	2.0	1.0			
C	Shkencë konstruksioni 2	4	2.0	1.5	0.5			
C	Impiante ndërtesash	6	4.0	1.0	1.0			
C	Konstruksione ndërtimi 1	4	2.0	1.5	0.5			
C	Legjislacion arkitektonik e urban	3	1.5	1.5				
C	Ekonomi tregu dhe ekonomi urbane	6	3.0	3.0				
C	Lëndë me zgjedhje 1:	4	2.0	1.5	0.5			
C	Filozofi dhe antropologjia e qytetit	5	2.0	3.0				
C	Lëndë me zgjedhje 2:	5	2.0	2.0	1.0			
TOTAL kredite, kategoria C.		45						
D	Gjuhë e huaj	5	1.0	3.0	1.0			
D	Sisteme Informacioni (G.I.S)	4	2.0	2.0				
D	Praktikë profesionale	10					10.0	
TOTAL kredite, kategoria D.		19						
E	Diploma arkitekt (profili Urbanist)	15						15.0
TOTAL kredite, kategoria E.		15						

2. Raportet e sasisë së krediteve të lëndëve sipas tipologjive jepen në tabelën që vijon:

Kategoria	Nr. i disiplinave	Kredite	Përqindje në raport me totalin	VKM 41
A	14	60	20.0%	15-20%
B	28	161	53.7%	45-55%
C	10	45	15.0%	12-15%
D	3	19	6.3%	6-8%
E	1	15	5.0%	3-5%
		300	100%	

3. Në planin mësimor, ndarja e orëve *mësimore në auditor* në orë për: leksione, seminare, ushtrime e laboratorë për çdo disiplinë, është përcaktuar, në bazë të ndarjes së krediteve të lëndës për secilin komponent mësimor të saj dhe orëve që i caktohen çdo krediti, të miratuar nga Senati Akademik i UPT-së.

Tabela në vijim jep zbërthimin e kreditit sipas veprimtarive mësimore:

Aktiviteti	Nr. Krediteve	Cikli i dytë MSc Orë auditor	Cikli i dytë MSc Orë stud. indiv
Leksion	1 kredit	10	15
Ushtrime/Studio	1 kredit	12	13
Laborator	1 kredit	20	5
Projekt/detyra	1 kredit	5	20
Praktika	1 kredit	20	5
Diploma	1 kredit	15	10

4. Planin mësimor i programit të integruar të studimeve të ciklit të dytë “Master Shkencor në Arkitekturë - Profili Urbanist” është objekt i rishikimit periodik në përputhje me procedurat e përshkruara në Rregulloren e Zhvillimit Kurrikular dhe Mësimdhënies në UPT dhe në Rregulloren e Departamentit të Urbanistikës.

Neni 9

KRITERE DHE PROCEDURA SPECIFIKE PËR PRANIMIN E STUDENTËVE

Pranimi në programin e integruar të studimeve të ciklit të dytë “Master Shkencor në Arkitekturë - Profili Urbanist” është i mundur për çdo kandidat, i cili ka përfunduar me sukses ciklin e arsimit të mesëm ose zotëron një diplomë tjetër studimi të fituar jashtë vendit, të vlerësuar dhe njehësuar nga ministria përgjegjëse për arsimin e lartë, si ekuivalente me të dhe që plotëson kriterin/kriteret shtetërore, në përputhje me kornizën ligjore në fuqi.

Kriteret e pranimit të kandidateve në programin e integruar të studimeve të ciklit të dytë “Master Shkencor në Arkitekturë - Profili Urbanist”, si dhe procedurat specifike për përzgjedhjen e tyre

përshkruhen në rregulloren mbi “Kriteret e pranimit në programet e integruara të ciklit të dytë të studimeve në profilin arkitekturë, urbanistikë dhe në programin e ciklit të parë të studimeve në arkitekturë interieri dhe dizajn”.

Kushtet, modalitetet specifike dhe procedurat për transferimin e studentëve në programin e integruar të studimeve të ciklit të dytë “Master Shkencor në Arkitekturë - Profili Urbanist”, janë të përcaktuara në *Kreun III* dhe *IV* të Rregullores së Zhvillimit Kurrikular dhe Mësimdhënies në Universitetin Politeknik të Tiranës, në përputhje me kornizën ligjore në fuqi.

Neni 10

ORGANIZIMI I STUDIMEVE

1. Krediti

a. Programi i integruar i studimeve të ciklit të dytë “Master Shkencor në Arkitekturë - Profili Urbanist” është i organizuar në module të vlerësuara në kredite (ECTS). Sasia normale e krediteve të grumbulluara gjatë një viti nga një student me kohë të plotë është 60 kredite.

b. Një krediti të formimit të arsimit të lartë i korrespondojnë 25 orë mësimore pune të studentit (1 orë mësimore pune llogaritet 50 minuta). Sasia mesatare e punës së kryer nga studenti gjatë një viti studimesh universitare me kohë të plotë është 1500 orë mësimore (60 kredite), që përfshijnë orë në auditor dhe orë punë të pavarur.

c. Orët e punës së pavarur të studentit, zënë jo më pak se gjysmën e fondit të përgjithshëm të 1500 orëve. Ngarkesa mësimore javore në auditor, për leksione, seminare, ushtrime e laboratorë, forma të kontrollit të vazhdueshëm dhe seanca të praktikave të zhvilluara në auditor, është nga 20 deri në 25 (njëzet e pesë) orë mësimore 50-minutëshe.

d. Studenti fiton kreditet korresponduese për çdo veprimtari formuese si: lëndë, praktikë, diplomë, etj., vetëm në rastin e një vlerësimi pozitiv në verifikimin përfundimtar të dijeve të fituara prej tij. Për vlerësimin e dijeve të përfituara përdoren forma të ndryshme kontrolli, që kombinojnë vlerësimin e vazhdueshëm me atë përfundimtar (i cili mund të jetë provim, por jo vetëm).

e. Programi i integruar i studimeve të ciklit të dytë “Master Shkencor në Arkitekturë - Profili Urbanist” përmbyllet me punim diplome dhe në përfundim të tij lëshohet diplomë “Master i shkencave” në fushën e Arkitekturës dhe Urbanistikës.

2. Viti akademik

a. Programi i integruar i studimeve të ciklit të dytë “Master Shkencor në Arkitekturë - Profili Urbanist” zhvillohet në vite akademike. Data zyrtare e fillimit të vitit akademik shpallet nga ministri përgjegjës për arsimin e lartë. Viti akademik përfshin mësimdhënien, sesionin e provimeve, sesionin e mbrojtjes së diplomave. Mësimdhënia organizohet në dy semestra. Kohëzgjatja e një semestri është deri në 14 javë.

b. Organizimi i mësimdhënies, i sesionit të provimeve dhe i sesionit të mbrojtjes së diplomave, shprehet në strukturën mësimore, e cila miratohet dhe shpallet nga Rektori i UPT-së në fillim të çdo viti akademik.

3. Gjuha e mësimdhënies

a. Programi i integruar i studimeve të ciklit të dytë “Master Shkencor në Arkitekturë - Profili Urbanist” ofrohet në gjuhën shqipe.

b. Në kuadër të bashkëpunimeve ndërkombëtare apo për pjesë të veçanta të programit, mund të përdoret gjuha angleze. Literatura e rekomanduar mund të jetë në gjuhën angleze.

4. Grupi mësimor

Puna mësimore zhvillohet mbi bazë grupi mësimor. Numri maksimal i studentëve në grupet mësimore, në varësi të aktivitetit mësimor, respekton përcaktimet e rregullores së zhvillimit kurrikular të UPT-së, si më poshtë:

Nr. Studentë leksion	Nr. Studentë seminar	Nr. Studentë lëndët studio (FAU)	Nr. Studentë laborator	Nr. Studentë praktika
deri në 2 grupe seminari (50)	25	10 - 15	25	20

Neni 11

FORMAT E MËSIMDHËNIES

1. Puna mësimore brenda këtij programi studimi zhvillohet konform formave të mësimit dhe të kontrollit të dijeve të përshkruara në Rregulloren e zhvillimit Kurrikular të UPT-së. Këto forma harmonizohen midis tyre përmes raporteve të caktuara, të parashikuara në *Planet mësimore*, në *Programet e lëndëve* dhe në *Rregulloren mësimore të programit të studimit*. Në Universitetin Politeknik format kryesore të punës mësimore janë:

a. *Format e mësimit teorik dhe praktik*, ku përfshihen: leksionet, seminarët, ushtrimet, punët laboratorike, konsultimet, praktikat profesionale, detyrat e kursit, projektet e kursit, studiot (atelie), projekt – diplomat, etj.

b. *Format e kontrollit të dijeve*, ku përfshihen: bashkëbisedimet, mbrojtje e punëve laboratorike, mbrojtje e detyrave dhe/ose projekteve të kursit, mbrojtje e praktikave profesionale, provime të ndërmjetme, provimet e lëndës, provimet e formimit, mbrojtje e temave e diplomave, etj.

2. Për programin e i integruar të studimeve të ciklit të dytë “Master Shkencor në Arkitekturë - Profili Urbanist”, format e mësimdhënies janë si vijojnë:

a. Seminar

b. Leksion

c. Studio (atelie)

d. Detyra/Projekti

e. Laboratori

f. Praktikë Profesionale

g. Praktikë Lëndore

h. Punëtori (workshop) / projekte jashtë-kurrikulare në kuadër bashkëpunimesh

3. Format të tjera të mundshme alternative të mësimdhënies për këtë program studimi përshkruhen në Programet mësimore të lëndëve dhe propozohen e miratohen sipas procedurave të përshkruara në Rregulloren e Zhvillimit Kurrikular dhe Mësimdhënies në UPT.

Neni 12

FORMAT E PROVIMEVE DHE VERIFIKIMI I DIJEVE

1. Në programin e integruar të studimeve të ciklit të dytë “Master Shkencor në Arkitekturë - Profili Urbanist”, për të vlerësuar njohuritë e studentit, përdoret sistemi shqiptar i vlerësimit me 10-të nota, nga 1-shi tek 10-ta, ku 10-ta është vlerësimi maksimal. Me këtë sistem bëhet vlerësimi në të gjitha format e kontrollit të përdorura. Nota minimale kaluese është 5 (pesë).

2. Në rastin e organizimit të disiplineve me module, vlerësimi realizohet nëpërmjet provimit të integruar për të gjithë lëndën, ose shlyerjen me pjesë të lëndës sipas moduleve. Në të dyja rastet vlerësimi i tezës bëhet me pikë dhe vlerësimi përfundimtar do të shprehet nëpërmjet një note mesatare të ponderuar, ku merret në konsideratë pikët dhe kreditet për çdo pjesë të shlyer.

3. Në programin e lëndës / modulit shprehen mënyrat e vlerësimit të saj, të cilat i bëhen të njohura studentit me fillimin e procesit mësimor.

4. Format e kontrollit të dijeve të aplikuara në këtë program studimi janë si vijojnë:

- a. Kolekiumi
- b. Kontrolli në lëndët “Studio”
- c. Mbrojtja e projektit
- d. Provimi / testi

5. Kushtet, modalitetet e zhvillimit si dhe pesha në vlerësimin përfundimtar të secilës formë kontrolli përcaktohen në Programin mësimor të lëndëve dhe miratohen sipas procedurave të përshkruara në rregulloren e zhvillimit kurrikular të UPT-së.

Neni 13

VLERËSIMI OSE SHLYERJA E STUDIOS SË PROJEKTIMIT / ATELIE

Studio projektimi / atelie është një formë mësimdhënieje e aplikuar në lëndë me karakter thellësisht profesional e formues në këtë program studimi, ku instrumenti kryesor i dhënies dhe përçimit të dijes është projekti, si produkt final i një procesi që imponon angazhim intelektual, teorik dhe praktik të studentit, nën udhëheqjen dhe mbikëqyrjen e pedagogut.

Procesi mësimor kryhet përmes konsultës individuale mes pedagogut e studentit, sesioneve të debateve / diskutimeve / ushtrimeve në grupe të reduktuara studentesh, apo edhe ligjërimeve në nivel grupi mësimor.

1. *Vlerësimi përfundimtar* në lëndët me karakter studio bazohet në katër komponentë:

a. Vlerësimi projektit të kursit

Vlerësimi i projektit të kursit, bazohet në ecurinë e punës së studentit gjatë realizimit të programit të lëndës si dhe në analizën dhe cilësinë e projektit përfundimtar. Gjatë procesit të projektimit gjatë një

moduli, studenti do t'i nënshtrohet konsultimeve dhe kontrolleve, sipas programeve përkatëse, të cilat vlerësohen nga pedagogu i lëndës ose komisionet e ngritura. Vlerësimi pozitiv i kontrolleve është kusht i domosdoshëm për dorëzimin e projektit të kursit. Projekti i kursit dorëzohet me mbrojtje të hapur përballë jurisë / komisionit.

b. Vlerësimi i formimit teorik

Vlerësimi i formimit teorik, realizohet me anë të provimit me shkrim ose me gojë, gjatë ose pas dorëzimit të projektit të kursit dhe vlerësimi pozitiv të tij.

c. Vlerësimi i praktikës mësimore

Vlerësimi i praktikës realizohet me mbrojtje (Shlyerje).

d. Frekuentimi dhe aktivizimi

Frekuentimi dhe aktivizimi vlerësohen bazuar në performancën e shfaqur nga studenti gjatë procesit mësimor.

2. Pësia e secilit komponent në raport me vlerësimin përfundimtar përcaktohet në Programet mësimore të lëndëve.

3. Në qoftë se studenti plotëson 75% të frekuentimit, por nuk fiton të drejtën për të dorëzuar projektin (sepse nuk ka fituar kontrollet e ndërmjetme), shpallet përsëritës nga sekretaria mësimore dhe i shënohet emri në regjistrin e përsëritësve për vitin pasardhës.

Neni 14

DETYRIME SPECIFIKE QË LIDHEN ME FREKUENTIMIN

Shlyerja e frekuentimit të një moduli respekton përcaktimet e rregullores kurrikulare të UPT-se, si vijon:

1. Studenti duhet të ndjekë të gjitha format e mësimdhënies së disiplinave të përcaktuara në planin mësimor. Masa e detyrueshme e frekuentimit të tyre ndryshon në funksion të tipit të aktivitetit mësimor që realizohet, duke i klasifikuar pjesërisht të detyrueshme dhe plotësisht të detyrueshme.

a. Frekuentimi i leksioneve nuk është i detyrueshëm por i rekomanduar, ndërsa frekuentimi i seminareve dhe ushtrimeve është i detyrueshëm në masën jo më pak se 75% të numrit të seancave të zhvilluara.

b. Frekuentimi i punëve laboratorike, punëve praktike dhe praktikave mësimore është plotësisht i detyrueshëm në masën 100%.

2. Për format e mësimimit me frekuentim të detyruar, të pjesshëm, kur studenti me ose pa arsye, nuk merr pjesë në mbi 25% të numrit të seancave të zhvilluara në një lëndë, shpallet i paklasifikuar dhe nuk lejohet të shlyejë detyrimet e mëtejshme të asaj lënde. Ai është i detyruar të ndjekë përsëri format e mësimimit në vitin pasardhës, me të njëjtën detyrë frekuentimi.

3. Për formën e mësimimit me frekuentim të detyrueshëm laborator dhe praktikë mësimore / profesionale në terren, kur studenti me ose pa arsye nuk merr pjesë qoftë edhe në një seancë mësimi,

departamenti përkatës i krijon studentit edhe një mundësi tjetër për të shlyer frekuentimin e detyruar, para përfundimit të semestrit. Në rastet e përsëritjes së mungesave, studenti i ndjek ato në vitin pasardhës.

Neni 15

FREKUENTIMI NË LËNDËT STUDIO

1. Në rastin e praktikës mësimore të përfshirë në Studiot e projektimit (atelie) frekuentimi është i detyrueshëm me shlyerje. Masa e frekuentimit dhe konsultimit të tyre përcaktohet nga departamenti në planin mësimor të lëndës dhe i bëhet me dije studentit para fillimit të vitit akademik. Në rast se studenti nuk ka përmbushur numrin e caktuar të prezencës 75% të orëve dhe konsultimeve (shlyerjen e të gjitha kontrolleve), ai duhet të përsërisi lëndën me brezin që vijon pas tij, duke marrë në konsideratë edhe ndryshimet e kurrikulës dhe organizimit të studimeve që mund të kenë ndodhur në brezin të cilit ai i bashkohet. Më poshtë do të radhiten lëndët profesionale të tipit studio (atelie) të cilat kanë detyrim frekuentimin dhe konsultimin.

Nr	Profili	Viti	Sem.	Lënda	Kredite
1	URB / ARK	II	2	<i>Bazat e projektimit urban dhe elemente të peizazhit</i>	7
2	URB / ARK	III	2	<i>Urbanistikë 1</i>	8
3	URB	IV	1/2	<i>Projektimi i Mjedisit Urban</i>	8
4	URB	IV	1	<i>Planifikim territorial</i>	6
5	URB	IV	1/2	<i>Projektim urbanistik 2</i>	14
6	URB	IV	2	<i>Transport infrastrukture</i>	6
7	URB	V	1	<i>Elemente peizazhi</i>	6
8	URB	V	1	<i>Rigjenerim Urban</i>	8
9	URB	V	2	<i>Diploma arkitekt (profili Urbanist)</i>	15
10	ARK	IV	1/2	<i>Urbanistikë 2</i>	9

2. Për studentet që realizojnë frekuentimin dhe kontrollet përkatëse të projektit dhe vlerësohen me notë jokaluese (4 katër) në projekt, ose që nuk arrijnë të realizojnë dorëzimin e projektit në fund të modulit, kanë të drejtë të bëjnë dorëzim deri në sezonin e provime në vjeshtë të vitit pasardhës. Në rast se deri në këtë kohë studenti nuk shlyen projektin, atëherë studenti duhet të ndjekë dhe frekuentojë sërish lëndën.

3. Nuk lejohet që studenti të mbartë projektin në 2 vite të njëpasnjëshme.

Neni 16

KUSHTE, MODALITETE SPECIFIKE PËR TRANSFERIMIN E STUDENTËVE

1. Procedurat për transferimin e studimeve fillojnë në përputhje me udhëzimet e ministrisë përgjegjëse për arsimin dhe pranohen në fillim të çdo viti akademik, jo më vonë së fundi i javës së dytë të semestrit të parë.

2. Njohja e krediteve të marra nga një student, me qëllim vazhdimin e studimeve në programin e integruar të studimeve të ciklit të dytë “Master Shkencor në Arkitekturë - Profili Urbanist”, bëhet nga Departamenti i Urbanistikës, sipas procedurave dhe kritereve të përcaktuara në Rregulloren e Zhvillimit Kurrikular dhe Mësimdhënies në UPT dhe rregullores së Departamentit të Urbanistikës.

3. Lënda ose moduli në programin e integruar të studimeve të ciklit të dytë “Master Shkencor në Arkitekturë - Profili Urbanist” ekuivalentohet kur:

- a.. ka emërtim të njëjtë ose të ngjashëm me lëndën/modulin e programit të studimit ku transferohet;
- b. trajton tema të njëjta ose të ngjashme dhe ka përputhje të ngarkesës në auditor në masën mbi 70% të lëndës / modulit që zhvillohet në programin e studimit në UPT.

4. Studenti mund të transferojë studimet, midis programeve të të njëjtit cikël studimi, brenda UPT-së apo nga institucione të ndryshme të arsimit të lartë, si brenda ashtu edhe jashtë vendit, nëse:

- a. ka grumbulluar, sipas formulës së pranimit në programin përkatës të studimit, sasi pikësh më të larta se pragu minimal i pikëve, që është arritur në programin e studimit të kërkuar në vitin përkatës;
- b. ka fituar jo më pak se 30 kredite në programin përkatës të studimit, nga vjen;
- c. plotëson kriteret specifike për transferimin e studimeve të përcaktuara nga Departamenti i Urbanistikës ose Fakulteti i Arkitekturës dhe Urbanistikës.
- d. Në të kundërt, ai mund të fillojë studimet nga e para, duke ndjekur procedurat në hyrje të përcaktuar në kreun III të Rregullores së Zhvillimit Kurrikular dhe Mësimdhënies në UPT.

5. Vendimi për njohjen e plotë të krediteve të fituara nga një student që transferohet, i takon komisionit *ad hoc* të propozuar nga Departamenti i Urbanistikës dhe të miratuar nga drejtuesi i njesisë kryesore.

Neni 17

NJOHJA E KREDITEVE PËR PROCESHE MËSIMORE JASHTË PROGRAMIT TË STUDIMIT

Njohja e krediteve të marra nga një student, jashtë programit të integruar të studimeve të ciklit të dytë “Master Shkencor në Arkitekturë-Profil Arkitekt”, në kuadër të bashkëpunimeve institucionale ndërkombëtare apo kombëtare (programet Erasmus etj.) bëhet nga Departamenti i Urbanistikës, sipas procedurave dhe kritereve të përcaktuara në Rregulloren e Zhvillimit Kurrikular dhe Mësimdhënies në UPT dhe Rregullores së Departamentit të Urbanistikës.

Neni 18

ORGANIZIMI I PRAKTIKAVE PROFESIONALE

1. Në programin e integruar të studimeve të ciklit të dytë “Master Shkencor në Arkitekturë - Profili Urbanist”, praktika profesionale është e parashikuar me një ngarkesë prej 10 kreditesh. Procedurat e zhvillimit të saj janë në përputhje me përcaktimet e rregullores së zhvillimit kurrikular të UPT- së.

2. Këshilli i Programit të Studimit (KPS) dhe Koordinatori i Programit të studimit, janë përgjegjës për evidentimin, angazhimin dhe zgjerimin e databazës së kompanive / institucioneve për realizimin e Praktikave Profesionale. Koordinatori i KPS-së përditëson databazën e kompanive / institucioneve që ka bashkëpunim dhe ja dërgon elektronikisht një muaj para fillimit të praktikës drejtuesit të Departamentit të Urbanistikës. Praktikant profesional zhvillohet në kompani / institucione sipas profilit të përgatitjes së studentit dhe nën drejtimin e stafit akademik të caktuar nga Departamenti i Urbanistikës.

3. Departamenti i Urbanistikës mban përgjegjësi për kryerjen e praktikës profesionale. Përgjegjësi i Departamentit përcakton pedagogët përgjegjës të cilët do të drejtojnë praktikën profesionale. Pedagogu përgjegjës përpilon “Programin e praktikës” i cili miratohet nga Drejtuesi i Departamentit.

4. Departamenti bën ndarjen e studentëve nëpër kompani / institucione pritëse, duke respektuar edhe propozimet e tyre. Lista e studentëve me pedagogun përgjegjës dhe kontratat e praktikës profesionale (bazuar në modelin-tip të dërguar nga drejtoria juridike e institucionit) i dërgohen për firmë Dekanit të fakultetit. Në rast kur kompania / institucioni pritës angazhohet për herë të parë në praktikë profesionale Rektori i UPT së lidh marrëveshje bashkëpunimi, deri një javë para fillimit të praktikës.

5. Studentët kanë detyrimin e kryerjes 100% të orëve të praktikës profesionale. Studenti detyrohet të respektojë rregullat e kompanisë / institucionit pritës.

6. Gjatë kryerjes së praktikës profesionale, pedagogu përgjegjës që e drejton atë, mban lidhje me kompaninë / institucionin ku ajo kryhet. Në përfundim të praktikës profesionale, studenti përgatit një relacion për punën e kryer i cili vlerësohet nga komisioni i ngritur në departament. Vlerësimi bëhet me notë.

7. Në rastet kur studenti për arsye objektive nuk shlyen detyrimet për praktikën mësimore, Departamenti, mbështetur në kërkesën e studentit (depozituar në Departament) mund t’i japi të drejtën për rikryerjen e praktikës mësimore deri në fund të vitit akademik.

Neni 19

DIPLOMIMI

1. Procedurat

Procedurat e kryerjes së procesit të diplomimit në këtë program studimi kryhen konform përcaktimeve të rregullores së zhvillimit kurrikular të UPT-së, Rregullores së Fakultetit të Arkitekturës dhe Urbanistikës si dhe Rregullores së Departamentit të Urbanistikës.

2. Periudha e zhvillimit

Në programin e integruar të studimeve të ciklit të dytë “Master Shkencor në Arkitekturë - Profili Urbanist”, lënda “Studio Diplome” zhvillohet në semestrin e 9-të dhe 10-të të vitit të V-të të studimeve, përkatësisht me 5 dhe 25 kredite për secilin semestër.

3. Parakushte të marrjes së temës së Diplomës

- a. Kreditet e semestrit të 9-të shlyhen pasi studenti frekuenton lëndën sipas kalendarit të Studios dhe kryen me sukses Kontrollin e parë.
- b. Që të vijojë Semestrin II në Studion e Diplomës, studenti duhet të ketë fituar minimumi 255 kredite (180 nga tre vitet e para dhe 75 nga viti i katërt dhe i pestë) dhe të ketë shlyer Kontrollin e parë.
- c. Studenti mund të mbartë vetëm një lëndë profesionale të tipit Studio.

Në rast mospërmbushjeje të këtyre kushteve studenti frekuenton semestrin e dytë të Studios së Diplomës në vitin pasardhës.

4. Aspekte didaktike

- a. 1 kredit diplome në programin e studimit MSHA - Profili Urbanist zbërthehet në 5 orë në auditor dhe 20 orë punë individuale.

Orë gjithsej në auditor për 15 kredite janë $5 \cdot 15 = 75$ orë

Orë të zhvilluara nga udhëheqësi 20 orë

Orë në auditor të zhvilluara nga Studio e Diplomës $75 - 20 = 55$ orë

Orë Javore të zhvilluara nga Studio e Diplomës $55 / 12 = 4.6$ orë

5. Teza e diplomës

Teza e diplomës është një punë e pavarur dhe krijuese e studentit në formën e një projekti apo studimi me karakter përgjithësues në fushat e Arkitekturës dhe disiplinave të lidhura drejtpërdrejtë me formimin e marrë gjatë zhvillimit të programit të studimit.

Teza e diplomës përmban një sërë detyrash e kërkesash, mënyra e shtrimit e të cilave i jep mundësi studentit, që nëpërmjet njohurive të fituara gjatë periudhës së shkollimit dhe punës konkrete studimore e projektuese, të tregojë aftësitë e tij profesionale dhe kompetencën për të kryer studime e projekte në fushën e Urbanistikës.

Teza e diplomës është e lidhur me disa disiplina të përafërta dhe mund të jetë individuale ose kolektive (dy-tre studentë), në rastet e tezave studimore komplekse. Në rastet e punimeve kolektive, studentët kanë të ndarë çështjet që do të trajtojnë, duke respektuar një ndarje afërsisht të barabartë të volumit të punës që do të kryejnë.

Temat e diplomës dhe specialistët që do të udhëheqin punimin e tyre, miratohen nga Departamenti i Urbanistikës, përgjegjës i programit të studimit. Në përcaktimin e temave të diplomës, Departamenti i Urbanistikës mund bashkëpunojë me institutet kërkimore shkencore të UPT-së, si dhe me institucione të tjera, publike apo private.

Diplomantët paraqesin për miratim kërkesat me temat e propozuara si dhe udhëheqësin në Departamentin e Urbanistikës, apo Departamenteve të tjera të Fakultetit të Arkitekturës dhe Urbanistikës, përmes formularëve të shpallur nga Departamenti.

Formulari i propozimit të temës dhe udhëheqësit duhet të jetë i shoqëruar me një dokument 1-2 faqe A4 ku specifikohet dhe argumentohet propozimi, këndvështrimi i diplomantit dhe pritshmërinë në realizimin e temës. Ky dokument duhet të jetë i firmosur nga diplomanti dhe udhëheqësi (në aneks të kësaj rregulloreje gjenden formularët D1 dhe D2).

Studenti ka të drejtë të shprehë dëshirën e tij në lidhje me tezën e diplomës që kërkon të zhvillojë, si dhe udhëheqësin e tij. Ai mund të propozojë edhe vetë një tezë tjetër diplome së bashku me udhëheqësin përkatës. Departamenti shqyrton të gjitha kërkesat specifike të studentëve, duke i harmonizuar ato me kushtet aktuale, pa cenuar nivelin e cilësinë e punimeve të diplomave.

6. Udhëheqja e temës së diplomës

Udhëheqja e temës së diplomës në FAU kryhet nga departamentet përkatëse. Udhëheqësi dhe Studioja e Diplomës janë përgjegjës për ecurinë dhe mbarëvajtjen e temës dhe procesit të diplomimit.

Diplomanti zgjedh një Udhëheqës në Departament ose jashtë tij i cili miratohet nga Përgjegjësi i Departamentit. Kriteret që duhet të përmbushë Udhëheqësi i diplomës vendosen nga departamenti përkatës. Udhëheqësi duhet të shprehë pëlqimin me shkrim për udhëheqjen e temës së diplomës.

a. Udhëheqësi i temës së diplomës *përgatit programin e punës* së diplomantit, duke vendosur edhe afatet e përafërta të përfundimit të çdo pike të programit. Studenti duhet të respektojë afatet e vendosura për të bërë të mundur mbrojtjen me sukses të temës në sesionin normal të mbrojtjes së diplomës.

b. Udhëheqësi përcakton *grafikun e konsultimeve të programuara* me studentin, përgjatë të cilit konsultohet dhe kontrollohet puna e bërë sipas programit të miratuar. Grafiku i konsultimeve është i detyrueshëm të zbatohet nga studentin.

c. Para mbrojtjes së tezës së diplomës, udhëheqësi rishikon dhe *miraton punimin e kryer* nga studentin. Ai *jep mendimin e tij me shkrim*, ku deklarohet realizimi i programit të punës të tezës së diplomës, niveli cilësor, elementët e punës krijuese të studentit dhe lejimi i mbrojtjes së punimit.

7. Studio e Diplomës

Studioja e Diplomës është organizuar në grupe pune me 15-30 diplomantë të asistuar dhe mbikëqyrur nga 2-4 pedagogë.

Kjo studio kryen aktivitetin e saj sipas programit dhe planit mësimor. Çdo javë studenti paraqet ecurinë e punës së tij në Studion e Diplomës. Studioja ka për qëllim të:

- a. Miratojë temën e diplomës
- b. Miratojë programin e punës të diplomantit
- c. Të asistojë udhëheqjen e diplomës
- d. Të vendosë kriteret specifike për tema diplome me kompleksitet apo përmbajtje të veçantë
- e. Të rekomandojë literaturën për thellimin teorik
- f. Të mbikëqyrë çdo javë ecurinë e diplomës
- g. Të rekomandojë ndryshime nëse gjykohet e nevojshme
- h. Të ofrojë konsulencë të specializuar në fusha specifike
- i. Të organizojë tre kontrollet e diplomës

Studenti ndjek Studion e Diplomës çdo javë gjatë semestrit të 9-të dhe 10-të dhe është i detyruar të frekuentojë 75% të seancave në këtë Studio. Nëse studentin nuk përmbush masën e përcaktuar të frekuentimit, duhet të frekuentojë Studion e Diplomës në vitin pasardhës. Njëkohësisht studentin ndjek programin e punës dhe grafikun e konsultimeve me udhëheqësin.

8. Kontrollat e ndërmjetme në Studion e Diplomave dhe përmbajtja e tyre

Studioja e Diplomës organizon *tre kontrolle periodike*, në të cilat kontrollohet volumi i punës së kryer dhe cilësia e saj. Studentin dhe udhëheqësin duhet t'i marrin parasysh rekomandimet e komisionit të kontrollit.

a. Studentin që nuk mund të shlyejë 2 kontrollet e para brenda procesit mësimor të Studios së Diplomës duhet të frekuentojë semestrin e dytë të Studios së Diplomës në vitin pasardhës.

b. Studenti që nuk mund të shlyejë *kontrollin e tretë* brenda procesit mësimor të Studios të Diplomës mund ta shlyejë atë në sesionin e vjeshtës si dhe në sesionet e kontrolleve të vitit akademik pasardhës. Nëse kontrolli i tretë nuk shlyhet as në këto sesione, studenti duhet të marrë një teme të re dhe të frekuentojë Studion e Diplomës në vitin në vijim.

Kalendari i aktiviteteve të Studios së Diplomës

Përmbajtja e kontrolleve si dhe kalendari i aktiviteteve të Studios së Diplomës përcaktohen në programin mësimor të lëndës, që hartohet nga Drejtuesi i Departamentit.

Nëse teza e diplomës bazohet në zhvillimin e një projekti, përmbajtja e fazave të kontrollit është si më poshtë:

Kontrolli i parë

- Propozimi i temës
- Baza e të dhënave
- Shembuj studimorë
- Baza teorike – Referenca dhe bibliografi

Kontrolli i dytë

- Analiza e territorit dhe konkluzionet
- Skema dhe zonimi funksional
- Propozimi konceptual – ideor (përshkrim, dhe material grafik)
- Skenare dhe opsione për propozimin përfundimtar
- Projekt idea

Kontrolli i tretë

- Projekti i hollësishëm përfundimtar (material grafik, detajim i plotë i zgjidhjes)
- Relacion përshkrimor

Për projekte me karakter të veçantë, Studioja e Diplomës përcakton përmbajtjen e fazave të kontrollit. Nëse teza e diplomës ka përmbajtje teorike-studimore, përmbajtja e fazave të kontrollit është si më poshtë:

Kontrolli i parë

1. Propozimi i temës
2. Plani i kërkimit
 - Identifikimi i problemit
 - Tema e studimit
 - Qëllimi i studimit
 - Pyetjet e kërkimit
 - Hipotezat
 - Përmbajtja e kërkimit
 - Rezultatet e pritshme dhe planifikimi kohor
3. Baza teorike

Kontrolli i dytë

1. Analiza e rasteve të studimit dhe gjetjet
2. Skenarë dhe opsione për zgjidhjen e problemit
3. Propozimi përfundimtar
4. Vërtetimi i hipotezave

Kontrolli i tretë

1. Studimi i plotë (Përmbajtja dhe materiali grafik)
2. Konkluzione dhe/ose rekomandime

9. Mbrojtja dhe vlerësimi i diplomës

Studenti fiton të drejtën për të mbrojtur diplomën, kur ai ka përfunduar të gjithë programin e punës, ka ndjekur Studion e Diplomës dhe ka shlyer të tre kontrollat e detyrueshme.

Drejtuesi i departamentit plotëson fletën e kontrollit të tezës së diplomës, në të cilën regjistrohen kontrollat e kryera dhe vlerësimet me fjalë për secilën prej tyre.

Modalitete

Studenti nuk mund të mbrojë temën e diplomës pa shlyer më parë të gjitha detyrimet dhe pa fituar 285 kredite të parashikuara në planin mësimor të programit përkatës të studimit.

Kriteret e Diplomimit

- a. Frekuentimi dhe vlerësimi pozitiv në Studion e Diplomës
- b. Shlyerja e tre kontrolleve të diplomës
- c. Vlerësimi pozitiv nga Udhëheqësi
- d. Vlerësimi pozitiv nga Recensenti
- e. Miratimi nga Dekani i FAU
- f. Mbrojtja e tezës së diplomës

Studenti, para mbrojtjes së punimit të diplomës, duhet të ketë likuiduar të gjitha detyrimet financiare dhe materiale që mund të ketë me universitetin, bibliotekën shkencore, bibliotekën kombëtare, konviktet, etj.

Paraqitja e diplomës

Rregullat e pranimit dhe dorëzimit (formati dhe standardet) të tezës së diplomës, me përmbajtje projekt ose teme teorike-studimore, përcaktohen nga Departamenti i Urbanistikës bazuar në standardet dhe rregullat akademike, dhe do të mundëson në fillim të çdo viti akademik.

Të gjitha tezat e diplomave, para se të lejohen për mbrojtje, miratohen nga dekani i fakultetit.

Punimi i diplomës mbrohet para një komisioni të posaçëm, të përbërë nga staf akademik i FAU si dhe profesionist të shquar të fushës (në qoftë se shihet e nevojshme), i propozuar nga departamentet përkatëse dhe i miratuar nga dekani. Mbrojtja e diplomës është publike. Komisioni i mbrojtjes së diplomave përbëhet nga 5-7 anëtarë. Komisioni funksionon kur janë prezent jo më pak se 2/3 e anëtarëve të tij. Secili nga anëtarët ka në dispozicion një vlerësim nga 0-100 pikë. Rezultati përfundimtar i diplomës përlogaritet në bazë të mesatares aritmetike të vlerësimit të të gjithë anëtarëve. Vlerësimi me note bëhet sipas pikëzimit:

100 - 95 pikë	vlerësohet me notë përfundimtare	10 (dhjetë)
94 - 85 pikë	vlerësohet me notë përfundimtare	9 (nëntë)
84 - 75 pikë	vlerësohet me notë përfundimtare	8 (tetë)
74 - 65 pikë	vlerësohet me notë përfundimtare	7 (shtatë)
64 - 55 pikë	vlerësohet me notë përfundimtare	6 (gjashtë)
54 - 45 pikë	vlerësohet me notë përfundimtare	5 (pesë)
nën 44 pikë	vlerësohet me notë negative	4 (katër)

Nota regjistrohet ne procesverbalin e mbrojtjes se diplomave. Procesverbali firmoset nga te gjithë anëtarët e komisionit. Ne përfundim te çdo seance mbrojtjeje, ne mënyrë publike kryetari i komisionit, ne prani te anëtarëve, i komunikon çdo diplomanti notën, me te cilën është vlerësuar punimi i tij.

Në rast se studenti vlerësohet me notë negative në mbrojtjen që i bën tezës së tij, ai mund të mbrojë përsëri të njëjtën tezë ose të mbrojë një tezë të re brenda një periudhe jo më vonë se tre vjet.

Gjatë periudhës tre vjeçare nga koha e përfundimit të studimeve të plota, diplomanti ka të drejtë të mbrojë tezën e tij deri në dy herë.

Nëse në të dy rastet diplomanti është vlerësuar nga komisioni me notë negative ose ai nuk paraqitet për të bërë mbrojtjen e punimit brenda afateve maksimale (tre vjeçare), atëherë studenti humb të drejtën e diplomimit.

Neni 20

DISPOZITA TE FUNDIT

1. Çdo çështje që lind nga zbatimi i kësaj rregulloreje dhe nuk mbulohet prej saj, rregullohet me Rregulloren e Zhvillimit Kurrikular dhe Mësimdhënies në UPT. Në rast se edhe kjo e fundit nuk e mbulon, atëherë Departamenti i Urbanistikës i drejton Rektorit dhe Senatit Akademik propozimin përkatës për miratim.

2. *Rregullorja mësimore e programit të studimit* hartohet/rishikohet nga Këshilli i Programit të Studimit të Njësisë Bazë dhe miratohet në Departamentin e Urbanistikës dhe në Fakultetin e Arkitekturës dhe Urbanistikës. Ajo është objekt rishikimi periodik. Rishikimi bëhet para fillimit të vitit të ri akademik dhe synon të përmirësohen dhe përditësohen elementë të ndryshëm të saj.



ANEKS I

PLANI MËSIMOR



MIRATUAR

Kryetari i SAUPT

Prof. Dr. Andrea MALIQARI

PLANI MESIMOR - MASTER SHKENCOR NË ARKITEKTURË, PROFILI URBANIST

Viti akademik 2020-2021

UNIVERSITETI POLITEKNIK I TIRANES	
FAKULTETI I ARKITEKTURËS DHE URBANISTIKËS	
DEPARTAMENTI I URBANISTIKËS	
DEGA ARKITEKTURË	
PROFILI URBANIST	
AFATI I STUDIMIT: 5 VITE	
PUNIM DIPLOME: PO / 15 ECTS	

Nr	Struktura e vitit mesimor	Javet sipas viteve					Shuma
		I	II	III	IV	V	
1	Mesim	28	28	28	24	24	132
2	Praktike Mesimore	2	2	1	2	2	9
3	Provime	8	8	9	10	10	45
4	Pushime	14	14	14	16	16	74
5	Shuma	52	52	52	52	52	260

NR	Kategoria	Lenda	ECTS						Ore ne auditore						Ndarja e oreve sipas viteve dhe semestrit																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																				
			Kreditet gjithsej	Leksione	Seminar / Studio	Detyra /Projekt kursi	Laboratore	Praktike	Diploma	Ore gjithsej faktike	Ore Leksione	Ore Seminar / Studio	Ore Detyra /Projekt kursi	Ore laboratore	Ore praktike	Ore diploma	Viti i Pare		Viti i Dyte		Viti i Trete		Viti i Katert		Viti i Peste																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																										
																	Semestri i Pare	Semestri i Dyte	Semestri i Pare	Semestri i Dyte	Semestri i Pare	Semestri i Dyte	Semestri i Pare	Semestri i Dyte	Semestri i Pare	Semestri i Dyte																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																									
																	Jave 14	Jave 14	Jave 14	Jave 14	Jave 14	Jave 14	Jave 12	Jave 12	Jave 12	Jave 12																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																									
Viti I																		Ngarkesa javore e leksioneve	Ngarkesa javore e Seminareve / Studiore	Menyra e Vleresimit	Ngarkesa javore e leksioneve	Ngarkesa javore e Seminareve / Studiore	Menyra e Vleresimit	Ngarkesa javore e leksioneve	Ngarkesa javore e Seminareve / Studiore	Menyra e Vleresimit	Ngarkesa javore e leksioneve	Ngarkesa javore e Seminareve / Studiore	Menyra e Vleresimit	Ngarkesa javore e leksioneve	Ngarkesa javore e Seminareve / Studiore	Menyra e Vleresimit	Ngarkesa javore e leksioneve	Ngarkesa javore e Seminareve / Studiore	Menyra e Vleresimit	Ngarkesa javore e leksioneve	Ngarkesa javore e Seminareve / Studiore	Menyra e Vleresimit																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																													
1	A	Matematikë 1	3	1.5	1.5					39.0	18.0	21.0	0.0	0.0	0.0	0.0	1.5	1.5	P																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																



ANEKS II

FUSHAT KËRKIMORE TË STUDIOS / ATELIE

Tiranë më 02.11.2020

FUSHAT SUGJERUESE PËR TEMAT E DIPLOMAVE *profili urbanist*

Viti akademik 2020-2021

Projekti i diplomës duhet të fokusohet në një fushë apo gërshetim fushash me një kompleksitet të tillë, ku diplomanti do të mund të vërtetojë dijet e marra në rrugëtimin e tij akademik të të gjitha viteve.

Fushat e përgjithshme ku studimet e diplomave do të mbështeten janë:

- a) **Studime në zona urbane të reja ekspansive**
- b) **Studime në zona urbane historike apo të arkeologjisë industriale**
- c) **Studime në zona brigjesh ujore apo zona me potenciale turistike të të gjitha llojeve**
- d) **Studime të peizazhit urban dhe natyror**
- e) **Studime në zona natyrore**
- f) **Studime të gërshetuara**
- g) **Studime mbi blloqet residenciale (Housing)**
- h) **Studime mbi hapësirat publike në zonat urbane**
- i) **Studime mbi fshatra apo qyteza me potenciale të veçanta**

Këto studime mund të jenë:

- 1) TEMA PROJEKTIMI** ose,
- 2) TEMA STUDIMORE**

Më konkretisht ato mund të përmbajnë:

1. Plane të detajuara vendore (PDV) apo dhe bashkime të disa PDV-ve në kuadër të planeve të përgjithshme vendore (PPV) të zonave të ndryshme urbane (studime pjesore);
2. Propozime për projektimin e kuartalleve të reja të banimit (strehim) si dhe të hapësirave të reja urbane në kuadrin e strategjive dhe planeve ekzistuese;

3. Trajtimi i hapësirave urbane dhe territorit me synim zhvillimin turistik. Studime dhe projekte për aktivizimin dhe përdorimin e burimeve natyrore duke nxitur rritjen e atraksionit turistik;
4. Projekte dhe studime për rikualifikimin e qendrave të qyteteve si dhe rigjenerimin e hapësirave urbane të degraduara;
5. Tema studimore, ose projekte, në kuadrin e planifikimit të territorit, ekonomisë së territorit, gjeografisë urbane, sociologjisë urbane, etj.;
6. Tema studimore, ose projekte, në kuadër të përmirësimit të brigjeve ujore në qendrat urbane të ndodhura pranë situatave ujore (lumenj, liqene, etj.);
7. Ecocity, studime dhe projekte për trajtimin e hapësirave urbane me synim qëndrueshmërinë, fizike dhe vizuale, me kohezion të lartë social. Projekimi i eko-lagjeve si njësi banimi me cilësi të lartë jetese;
8. Projekte dhe tema studimore për rigjenerimin e qendrave historike të qyteteve. Qytetet muzeale, politika dhe strategji për mbrojtjen dhe prezantimin e vlerave formale dhe përballja me sfidat e së ardhmes;
9. Studime mbi menaxhimin urban dhe administrimin e territorit;
10. Projekte dhe studime për ruajtjen dhe përmirësimin e peizazhit urban dhe atij natyror;
11. Parqet tematike, hapësira për rekreacion dhe kohën e lirë (leisure);
12. Tema studimore në kuadër të ligjshmërisë urbane dhe të kuadrit ligjor të planifikimit të territorit;
13. Studime dhe projekte në kuadër të politikave me synim zhvillimin e qëndrueshëm hapësinor dhe territorial.

Drejtuesi i Departamentit të Urbanistikës
Dr. Juljan VELESHNJA



ANEKS III

FORMULARË APLIKIMI PËR PROCESIN E DIPOLMIMIT, D1, D2

DIPLOMA**Formulari i miratimit të udhëheqësit dhe
propozimit të temës (D1)**

Të dorëzohet elektronikisht e skanuar në adresën elektronike të Departamentit:
dep.urb@fau.edu.al

D1**STUDENTI**

Emri: _____ Mbiemri: _____

Firma: _____

Programi i studimit: ☐ MSH Arkitekturë Profili Urbanist

E-mail: _____ Tel. _____

TEMA E PROPOZUAR E DIPLOMËS☐ Temë studimore ☐ Projekt (shëno me X)**UDHËHEQËSI I TEZËS SË DIPLOMËS**

Emri: _____ Mbiemri: _____

Firma: _____

Profesioni: _____ Grada / Titulli: _____

E-mail: _____ Tel. _____

MIRATOHET UDHËHEQËSI

Data: _____

Drejtuesi i Departamentit: _____

Firma: _____

DIPLOMA**Formulari i miratimit të temës (D2)**

Të dorëzohet elektronikisht e skanuar në adresën elektronike të Departamentit:

dep.urb@fau.edu.al**D2****TEMA E DIPLOMËS**☐ Temë studimore ☐ Projekt (shëno me X)**PËRMBAJTJA E TEMËS**

(Përshkrimi i temës, specifikat, argumentimi i propozimit, këndvështrimi i diplomantit dhe pritshmëritë. Teksti duhet të jetë 3000 – 5000 karaktere i gjatë duke përfshirë edhe hapësirat.)

Data:

Studenti:

Udhëheqësi:

Firma:

Firma:

MIRATOHET TEMA

Data e kontrollit të parë:

Studio e Diplomës, komisioni i Atelier:

Firma:

Firma:

Firma:

Firma: